



**ԿԻՐԱՌԱԿԱՆ ԳԻՏՈՒԹՅՈՒՆՆԵՐԻ
ՄԻՋԱԶԳԱՅԻՆ ՀԱՄԱԼՍԱՐԱՆ
ՀԱՅԱՍՏԱՆՈՒՄ**

**ՎԱՐԴԵՆԻՍԻ ԲԺՇԿԱ-ՀՈՒՄԱՆԻՏԱՐ
ՔՈԼԵՋ**

Հ Ա Մ Ա Գ Ո Ր Ծ Ա Կ Ց ՈՒ Թ Յ Ա Ն Հ ՈՒՇ Ա Գ Ի Ր

ք. Երևան

«17» 06 2025թ.

«ԿԻՐԱՌԱԿԱՆ ԳԻՏՈՒԹՅՈՒՆՆԵՐԻ ՄԻՋԱԶԳԱՅԻՆ ՀԱՄԱԼՍԱՐԱՆ ՀԱՅԱՍՏԱՆՈՒՄ»
ՀԻՄՆԱԴՐԱՄԸ (այսուհետ՝ Համալսարան, գրանցման համար՝ 222.160.778251, գրանցման
վկայական՝ 03 Ա 928251, ՀՎՀՀ՝ 02620388) ի դեմս ռեկտոր Վահե Թորոսյանի,

«ՎԱՐԴԵՆԻՍԻ ԲԺՇԿԱ-ՀՈՒՄԱՆԻՏԱՐ ՔՈԼԵՋ» (այսուհետ՝ Քոլեջ) ի դեմս տնօրեն Նիկողոս
Գասպարյանի, մյուս կողմից

Հիմք ընդունելով՝

Կրթության բնագավառում փոխգործակցության և գործընկերային հարաբերությունների
հաստատման և ամրակայման, միջին մասնագիտական և բարձրագույն մասնագիտական
կրթության կապի խորացման, կրթության շարունակականության ապահովման, համատեղ
կրթական, մշակութային ծրագրերի և միջոցառումների իրականացման անհրաժեշտությունը

Առաջնորդվելով՝

Կրթության բնագավառի համընդհանուր սկզբունքներով ու կարգավորումներով, ինչպես
նաև միջազգային և ներպետական փորձի լավագույն ավանդույթներով՝ կնքեցին սույն
համագործակցության հուշագիրը հետևյալի մասին.

1. ՀՈՒՇԱԳՐԻ ԱՌԱՐԿԱՆ

- 1.1. Սույն Հուշագրի առարկան հանդիսանում է Կողմերի միջև գիտակրթական և կրթամշակութային փոխգործակցության ձևավորմանն ու հետագա խորացմանն ուղղված հարաբերությունները:
- 1.2. Սույն Հուշագրից բխող պայմաններով և կարգով Կողմերը ձեռնամուխ են լինում գործադրել լավագույն ջանքերը սերտ համագործակցության կայացման համար, **խրախուսել կրթության շարունակականությանը, Քոլեջի սովորողների հեղափոխական ուսումնառության և մասնագիտական կողմնորոշման իրականացմանը**՝ այդ կերպ ամրակայելով հայրենական իրականության մեջ առկա ՄՄՈՒՀ-ԲՈՒՀ կապի լավագույն ավանդույթները:

2. ԿՈՂՄԵՐԻ ՀԱՆՁՆԱՌՈՒԹՅՈՒՆՆԵՐԸ

- 2.1. Քոլեջի բարձր առաջադիմությամբ ավարտած շրջանավարտները իրավունք են ստանում սովորելու Համալսարանի նույն կամ հարակից մասնագիտության երկրորդ կուրսում՝ ՀՀ օրենսդրությամբ և Համալսարանի ներքին իրավական ակտերով սահմանված կարգով:
- 2.2. Կողմերը փոխադարձ համաձայնությամբ և պայմանավորվածությամբ հանձնառու են ներկայացուցչական մասնակցություն ապահովել կազմակերպվող միջոցառումներին, կրթական սեմինարներին, կլոր-սեղան քննարկումներին և այլն:
- 2.3. Կողմերը նպաստում են կրթական հարթակներում լուսաբանելու համատեղ անցկացվող ծրագրերը:
- 2.4. Կողմերը նախապես համաձայնեցված ժամանակացույցին համապատասխան կարող են փոխադարձ շրջայց կատարել՝ նպաստել Քոլեջի սովորողների մասնագիտական կողմնորոշմանը և ճիշտ ուղղորդմանը:
- 2.5. Համալսարանը կրթական ծրագրերի և ուսումնառության պայմանների ներկայացման նպատակով Քոլեջի սովորողների համար կազմակերպում է բաց դռների և մասնագիտական կողմնորոշման օրեր՝ նախապես համաձայնեցված ժամանակացույցին համապատասխան:
- 2.6. Կողմերի համաձայնությամբ դասավանդողների և վարչական անձնակազմերի համար կարող են կազմակերպվել վերապատրաստման դասընթացներ, բանախոսություններ, վարպետաց դասեր, մրցույթներ, օլիմպիադաներ՝ նախապես համաձայնեցված ժամանակացույցին համապատասխան:
- 2.7. Սույն Հուշագրի շրջանակներում Կողմերն իրավունք ունեն համատեղ մշակել և հրապարակել կրթության և գիտության ոլորտին առնչվող աշխատություններ, դասագրքեր, ուսումնամեթոդական նյութեր և այլն:

3. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 3.1. Սույն Հուշագիրը ուժի մեջ է մտնում Կողմերի ստորագրման և կնքման պահից և գործում է անժամկետ:

4. ԵԶՐԱՓԱԿԻՉ ԴՐՈՒՅԹՆԵՐ

- 4.1. Բոլոր այն հարցերը, որոնք չեն կարգավորվել սույն Հուշագրով, կարգավորվում են կողմերի փոխադարձ համաձայնությամբ և Հայաստանի Հանրապետության օրենսդրությամբ սահմանված կարգով:
- 4.2. Սույն Հուշագրի հետ կապված բոլոր վեճերը լուծվում են Կողմերի փոխհամաձայնության միջոցով և բանակցությունների ճանապարհով:
- 4.3. Սույն Հուշագիրը կարող է վաղաժամկետ դադարեցվել Կողմերից յուրաքանչյուրի նախաձեռնությամբ, այդ մասին ուսումնական տարին սկսելուց առնվազն երեք ամիս առաջ գրավոր ծանուցելով մյուս կողմին:
- 4.4. Սույն Հուշագիրը կազմված է հայերենով, երկու օրինակից, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

5. ԿՈՂՄԵՐԻ ՀԱՍՑԵՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԿԻՐԱՌԱԿԱՆ
ԳԻՏՈՒԹՅՈՒՆՆԵՐԻ
ՄԻՋԱԶԳԱՅԻՆ
ՀԱՄԱԼՍԱՐԱՆ
ՀԱՅԱՍՏԱՆՈՒՄ

Հասցե՝ Մ.Հերացի 2



ՎԱՐԴԵՆԻՍԻ ԲԺՇԿԱ-ՀՈՒՄԱՆԻՏԱՐ
ՔՈԼԵՋ

Հասցե՝ Գեղարքունիքի մարզ,ք.
Վարդենիս, Վ. Համբարձումյան 19

